

影刊宋金元明本詞

第三冊

蘇子瞻
如夢令
PDG

景方本二

妙集二

景元本遯菴樂府一卷

景天本
遠
廣樂
府
一
齊

二妙集卷之七

樂府

遜菴先生

水調歌頭

癸卯八月十七日逆旅平陽
夜聞笛聲有感而作

亂雲低薄暮微雨洗清秋涼蟾乍飛破鏡
倒影入南樓水面金波灩灩簾外玉繩低
轉河漢截天流桂子墮無跡爽氣襲征裘

二妙集卷之十
廣寒宮在何處可神遊一聲羗管誰弄吹
徹古梁州月自於人無意人被月明催老
今古共悠悠壯志久寥落不寐數更籌

迎送神二詞爲劉潤之賦

清秋好天氣禾黍已登塲群心思谷神貺
吉日復辰良神既未兮庭宇颯颯西風吹
雨仙仗儼長廊巫覡傳神語出戶舞張佺
封肥粦瀝桂酒奠椒漿一年好處須記此
樂最難忘風外洲淵簫鼓醉飽滿城黎庶

健倒卧康莊夜久群動息風散一簾香
雙龍隱扶輦千騎縱翱翔雲旌翠蕤摩蕩
遙指白雲鄉風馭飄飄高舉雲駕攀留無
處煙霧杳茫茫小立西風外似聽珮鏘鏘
暮天長秋水闊遠山蒼歸途正踏明月醉
語說豐穰但願明年田野更比今年多稼
神貺詎能忘君可多釃酒吾復有新章

滿江紅

過汴梁故宮城

塞馬南來五陵草樹無顏色雲氣黯鼓聲
震天穿地裂百二河山俱失險將軍束
手無籌策漸煙塵飛度九重城蒙金闕長
戈裊飛鳥絕原厭肉川流血嘆人生此際
動成長別回首玉津春色早雕欄猶挂當
時月更西來流水遶城根空鳴咽

塵滿貂裘依舊是新豐羈客還感慨中年
多病惟堪眠食方寸玉階無地借詩書勲
業休重憶況而今雙鬢已成絲非疇昔與

廢事吾能說今古恨空填臆向南風望斷
五絃消息眯眼黃塵無處避洗天風雨來
何日待酒酣慷慨話平生無人識

壽陳丈良臣

有媯之後國于陳慶流苗裔還世有異人
間出簪纓不墜別泓中分汾水右英靈吸
盡姑山氣看鳳麟來應太平期爲佳瑞都
未展經邦志醫與卜渾餘事把活人手段
此中聊試德義不孤朋友樂田園粗了兒

孫計有贖系禪榻老生涯棲心地

夢菴張君信夫生朝

臘盡春來還又是新年入手人共喜丹山
僊桂一枝初秀轉首黃金都散盡酒酣彈
鋏蛟龍吼想平生豪氣尚依然銜星斗紅
未透花枝瘦人不老花依舊老生涯正要
東山歌酒翠壁崢空山玉立長河瀉浪風
雷走挽山河勝槩入金尊爲君壽

登河中鸛雀樓

古堞憑空煙霏外危樓高矗人道是宇文
遺址至今相續夢斷繁華無覓處朱甍碧
甃空陳跡問長河都不管興亡東流急儂
本是乘槎客因一念僊凡隔向人間頽仰
已成今昔條華橫陳供望眼水天上下涵
空碧對西風舞袖障飛鴻滄溟窄

壽衛生行之

春色三分猶未一元霄才過行樂處軟紅
香霧未收燈火楊柳稍頭黃尚淺梅花萼

二女集卷之七
底紅初破待東風吹綠蒲瀛洲愁無奈無
一物爲君賀歌我志君須和問人生底事
必須奇貨好對青山傾白墮休嗟事業違
人些怕他時富貴逼人來妨高卧

清明與諸生登西磴栢崗

欲把長繩維白日暫畱春住親友面一回
相見一回非舊擾擾膠膠塵世事不如人
意十常九向斜陽無語倚危樓空搔首活
國手談天口都付與尊中酒這情懷又是

去年時候風外紛紛飛絮亂柳邊湛湛長
江去問老來還有幾多愁愁如許

遯菴主人植菊階下秋雨既盛
草萊蕪沒殆不可見江空歲晚
霜餘草腐而吾菊始發數花生
意淒然似訴余以不遇感而賦
之因孛生湛然歸寄

菊軒弟

雨後荒園群卉盡律殘無射踈籬下此花

能保英英鮮質盈把足娛陶令意夕食誰
似三閭潔到而今狼籍委蒼苔無人惜堂
上客頭空白都無語懷疇昔恨因循過了
重陽佳節颯颯涼風吹汝急汝身孤特應
難立謾臨風三嗅遠芳叢歌還泣

重九日山居感興

五柳成陰三徑晚宦遊無味還自嘆迎門
笑語久須童稚歸去來兮尊有酒素琴解
寫無絃趣醉時眠推手遣君歸吾休矣富

與貴非吾事貧與賤寧吾累步東籬遐想
肯人高致霜菊盈叢還可採南山依舊橫
空翠但悠然一點會心時君須記

大江東去

和荅衛生襲之

道人活計本清虛挂壁素琴而已底事中
心嘗悄悄不足一人之毀人果何尤天無
可怨政歆求諸已愧生乎內赧然其顙流
此聖道不遠於人步趨進退誰復能違此